



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-3751/12  
Sarajevo, 18.1.2013. godine

01/2-50-1

21-01-2013

*[Signature]*

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 22.01.2013

| Organizaciona jedinica | Klasifikaciona oznaka | Redni broj       | Broj priloga |
|------------------------|-----------------------|------------------|--------------|
|                        |                       | 01-50-1-15-38/12 |              |

**PARLAMENTARNA SKUPŠTINA BiH**

*- Zastupnički dom -*


**SARAJEVO**

**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine, na 35. sjednici održanoj 17.1.2013. godine, utvrdilo je Odgovor na zastupničko pitanje koje je postavio Dragan Vrankić, zastupnik u Zastupničkom domu Parlamentarne skupštine Bosne i Hercegovine.

U prilogu prosljeđujemo Odgovor radi njegovog dostavljanja zastupniku.

S poštovanjem,



**GENERALNI TAJNIK**  
*Zvonimir Kutleša*

*[Signature]*



**BOSNA I HERCEGOVINA**  
**VIJEĆE MINISTARA**

Broj: 05-50-1-3751/12  
Sarajevo, 17.1.2013. godine

Dragan Vrankić, zastupnik u Zastupničkom domu Parlamentarne skupštine Bosne i Hercegovine, na 39.sjednici Zastupničkog doma održanoj 18.12.2012.godine, Postavio je sljedeće zastupničko pitanje:

„Da li BiH ima strategiju razvoja? Ako nema – kad će imati?

Na postavljeno pitanje, Vijeće ministara Bosne i Hercegovine je na 35. Sjednici održanoj 17.01.2013. godine, utvrdilo sljedeći

**ODGOVOR**

Koordinacijski odbor za ekonomski razvoj i europske integracije je na 33. sjednici, održanoj 25.09.2007. godine donio odluku da se pripreme dva razvojna dokumenta za BiH, Strategija razvoja BiH i Strategija socijalnog uključivanja BiH, te da se kao osnovni metod koristi „susretno planiranje“ koje se zasniva na modularnom principu.

Također je definirano da module čine administrativni nivoi vlasti i to: Vijeće ministara BiH, Federacija BiH, Republika Srpska i BD. Kao ključni princip u izradi ovih dokumenata poštivan je EU „Otvoreni metod koordinacije (OMC)“ koji se bazira na participativnom pristupu.

Modularni princip također znači da su prilikom izrade dokumenta, polazeći od postojećih razvojnih dokumenata pojedinih modula, te putem zajedničkog rada radnih grupa, koje su činili predstavnici ključnih aktera svih modula, definirani zajednički ciljevi, podciljevi, prioriteti, mjere i aktivnosti, koji se odnose na cijelu BiH i specifične mjere i aktivnosti za pojedine module.

Koordinaciju procesa strateškog planiranja vodila je Direkcija za ekonomsko planiranje (nadalje: DEP) u partnerstvu sa vladama Federacije Bosne i Hercegovine (FBiH), Republike Srpske (RS) i Brčko Distrikta (BD), te velikim brojem učesnika nevladinog sektora i civilnog društva.

1) Priprema strategija :

Korak 1: Analiza i dijagnoza

Korak 2: Definisane strategije

Korak 3: Javne konsultacije

Korak 4: Izrada akcionih planova

Korak 5: Izrada okvira implementacije

Korak 6: Izrada finansijskog okvira

Strategija razvoja BiH 2010.-2014.godine je razrađena kroz šest ciljeva: makroekonomska stabilnost , konkurentnost , održivi razvoj, zapošljavanje , EU integracije i socijalna uključenost.

Strategije su upućene u proceduru usvajanja u rujnu/septembru 2010.godine na Vijeće ministara, Vladu FBiH , Vladu RS i BD.

Strategije su usvojene u oktobru 2010.godine na Vladi FBiH i BD sa pratećim akcionim planovima. Vlada Republike Srpske je odbila usvajanje , a Vijeće ministara je 12. srpnja/jula 2012.godine na 13.sjednici podržalo rokove koji se odnose na provedbu strategija za period 2012.-2014.godina.